



萃及堂視昔編

休陽汪 森晉賢輯訂

沈進原名馭字山子號藍村嘉興人工制舉藝補博士弟子員家故貧授徒以給餽粥訓課之餘漁獵諸子百家性狷介喜寂靜故沉思刻意下筆有幽致其爲詩詞與管谷竹垞秋錦各擅其勝嘗有梅花高館落春草斷垣生之句武林陸先生麗京盛稱之人因呼爲沈斷垣云康熙乙卯冬余至梅里邂逅於潛采堂申酉間君兩過谿上酉之秋吳江葉已畦丹陽賀天山拓庵同時相聚者七八人長篇累幅倡妍詡麗

有所鐫桐谿倡和傳爲盛事壬戌館余勤有居助余
續輯詞綜補遺拜搜錄明人詞詞綜之補人補詞既
就梓而明人詞當谷攜之京師被友人取去不復返
竟未獲成書乙丑春夏間吟情甚豪重雲倡和錄成
一帙其秋當谷之燕君贈行揮淚於聚散之間三致
意焉丁卯君下帷郡城是年秋高弟譚君書兩暨小
阮則遠並獲雋計偕時邀同北首君館於譚侍御左
羽寓齋與竹垞古藤書屋相密邇君往來其間歡然
道故差不寂寞獨是當谷南旋歿於淮上余在高涼
同日聞之既傷當谷而且念君北余南相思遼濶有

詩紀之越數月俱返里門君過余出所覓宋元人小
集見貽語及當谷相對欬歎自此往來不少間辛未
之秋君忽於華及堂席上三舉杯三失手扶就寢竟
以是夕卒君所著有半巢居集藏於家子翼初名敬
嘗隨侍於桐讀父書能世其學

碧巢初營舍傍隙地爲讀書藝植之圃六州首倡
二律同人繼之余亦次和焉

丘壑懷君興轉多舍傍數武屢經過誅茆自昔思開徑
結屋從今更剪蘿細柳移來偏著水亂雲生處已成窩
異時萬卷書藏架准擬臨風獨自哦

圓牖低簷背市開，邑城臨瞰古墻隤。頻招野鶴從林下，
慣乞名花鬻石栽。棘刺補籬春護筍，梅根滋雨老生苔。
須知地僻還高寄，會喜朋簪早晚來。

碧巢新構草堂成賦贈

小邑生聚繁，列肆過千室。庶事各勤劬，風氣亦淳質。寓
目無亭臺，比屋類密櫛。吾友城東隅，負販克市術。往來
乏游觀，前後止第宅。乘隙得右偏，蕭曠臨水澤。瓦礫未
埽除，草深寧丈尺。開荒月建亥，量地乃經畫。其南爲垣
墻，溪流繞深碧。入門敞軒楹，戶牖參差闢。廊廡互蔽虧，
中庭饒奇石。突兀勢攫人，儼若鬼斧擘。逶迤上北堂，盤

跚僮幹掖，曲房俯雕闌。茗香羅几席，左右多異花。輝暎
在琴策，簾開視禽魚。娛意難盡述，回思經營初。轉盼歲
月隔，倏然塵鞅中。乃有神仙客，無須苦氛囂。居處貴採
擇

晉賢招同賀天山拓庵葉已畦周管谷家孫謀雅

集碧巢書屋即事限韻四首

碧梧棲鳳里，一水舊遊頻。襟被皆詞客，談諧見酒人已。
歸春草暗重到，玉山新塵榻。偏能下都應，識懶真。
名德推江左，歸田早著書。魚竿三尺水，雲卧五湖廬。佳
句矜追琢，陳言看埽除。來遊數問訊，未許便回車。

羣公高賦詠野老愛園林
堦散黃金菊床移綠綺琴
論文中夜合說劍一時深
遂覺良游好毋驚遲暮心
好事真殊絕臨流復肆筵
淺深咸得醉文字總能禪
定宜燒蠟交新許問年鑑
湖思一曲準擬泛春船

賀拓庵廷評用昌黎望秋韻見贈即次荅之

桐谿還家少十日江子遺我書
一函中稱京江二阮玉
儼如壁立峻嶮巉布衣許我共握手
岳老不厭披青衫
敝屣垢襪涉長道意氣惻惻心徒銜
四海論交今已矣
抑鬱誰語口還緘天地無情豈終極
文章道義誰能羨
舟行迤邐日卓午溪碧如鏡輝層巘
迴流輟棹入小邑

傾蓋相見寧酸臧異地萍蓬果神合一
笑莫逆奚誦誦
肝膽由來許共照不爾假託人爭讒
賀公足語藹如舊
迎人善氣崖角劖示我新詩百回讀
冰壺朗徹髮可空
恍如餒腹得異味口不能言心尤饒
落筆根據實理窟
古來感人惟至誠冬深畏公復却去
欲折柳絲非蠟

次和葉已畦讀同年何相如明府桐署集作

用少陵春陵行韻

高林多朔風秋氣日夕嬰
深舟入桐谿撥棹隨西
讀豈不懷儒冠竟何成
一心抱區區垂老無修名
愧拙劣諄誨蒙友生
晤言不在久倉卒感深情
公材

梁棟在國爲榦楨詎甘希世術著論由六經示我撫時
作新詞更縱橫吐納涵衆流皎若日與星俗學希世書
紛曉終盈庭公言實不朽云當付殺青邊圉喜開
南方休兵邑有賢使君公昔偕承明出入同京輦珠勒
耀華纓今讀桐署集冥搜使心驚粲粲玉壺潔皎皎秋
霜清以茲懷明德循卓追漢廷鸞棲已彌年絃誦溢武
城環顧宰百里毋乃非廷楹賤子走下風慕義懷相傾
無因陪履舄朱絃何時聽

九日分韻得東字

楓葉凝秋暖未紅淒疎菊蕊間蘭叢主人勸飲客已醉

稚子牽衣語自工一徑紫筠窺小月半簾銀燭隔微風
街西漏鼓沉沉急次第吹來粉堞東

秋懷三首

嗷嗷蒼雁鳴冉冉白日去節序多悲風獨客難爲住金
菊粲繁英丹楓明遠樹碧葉紅蕖凋落木秋蟲蠹亭臯
聞無人蒼苔生白露謀食愧著書素餐心屢忤閉門檢
衣裳求新不如故肅殺方及今履霜戒寒沍美人謝朱
顏歲月傷晚暮庶貞松柏操聊以展幽素

賢否世莫辨寶玉同砒砒所以英雄人往往爲樵漁
侯乃刀筆舞陽亦狗屠當其未遇日偃蹇困泥塗無人

識姓氏豈復懷遠圖子房匿下邳諸葛潛草廬功名既不達安用徒嗟吁

好鳥愛嘉樹游魚懷廣川愚人昧隱伏達士貴幾先喪亂既已久時清亦偶然物賤則微貴樂極思憂煎且息半畝宮環堵欣及肩癡兒辨六七老妻髮鬢拳所計耕與織亦不思肥堅區區柴桑叟種豆南山前吾師千載下聊樂羲皇年

送六州筮谿之新安二首

仲兄季弟日偕行千里鄉城望月明照到葦邊雙鴈宿新安江水至今清

話別匆匆楓樹林客船引雨動愁吟人言潭水空千尺我送君情較更深

同諸子集桐溪草堂呈碧巢

石橋門巷俯晴川一徑松筠淨渺然不數衣冠瞻綺季
脂犀喜逢兵甲洗堯年花須照夜宜銜月客未乘時且
卧田好藉邑中賢地主攜壺長醉顙雲邊

季秋夜漫賦

蕉葉翻風夜向晨碧河秋冷列星陳早寒自信單衣怯
漸老方知素髮新盜賊中原無格鬪瘡痍南紀負沉淪
從今粒米雖狼戾怪殺窮簷有敝民

出郭同屏月景周

出郭緣溪日欲斜
渚蘋畦稻滿晴涯
都無白墮堪停策
剩有青山可憶家
細語啁啾蘆爵聚
淺寒重疊木綿賒
蒙頭尚喜殘絲黑
怪道霜天未著花

寓齋示敬兒

野蜨參差白籬花
寂寞黃已甘雙鬢短
不計一秋強詩
怪沿流弱書慙下筆
荒自來悲失學垂老復何傷

碧巢席間用旅農韻贈黃晦木

少年對酒尚桓桓
老去心情把盞看
每以聞名相見熟
更因彈指勸留難
春從雨後花香少
風落庭柯客面寒

語到賤經休索解
希聲味淡獨凭闌

海鹽寓舍喜晤徐松之

二高祠下近如何
滿路荆榛誰更過
五載不逢頭盡禿
一樽相對眼終摩
山村我已休耕稼
野服君能補芟荷
聞道清貧尚如舊
怪來煙水篋中多

自海鹽過桐鄉鷗亭招同臞庵旅農碧巢雅集

背馳風便海城西
鸞鴨迎船水貼堤
花事早休過小滿
月明方好唱前溪
詩文轍跡誰韓杜
兄弟情懷類阮嵇
招得故人重話別
辦香樓上有新題

送碧巢歸里展墓二首

鄴城行未久谿上繫歸船底事纔相聚張燈又別筵花
明春樹雪雲薄早潮天吾欲隨君去晴峰白鶴前
墓田遺丙舍周視長松楸山水經時待兒童勸客留鄉
情知不薄土俗想還稠好憶東風裏吳船下越州

題柯庭畫蘭二首

欵葉疎花白石叢天生彩筆畫來工當窗風日晴偏好
作意生香尺幅中

寄語柯庭莫浪傳幽姿空谷自仙仙因君畫出從人看
衆草何曾得比肩

客中冬夜書感用黃山谷韻

脫韻一

夜久河漢高孤星帶芒角寥寥天宇空林木自蕭索一
燈光青熒對影難獨酌蟋蟀寒不死哀鳴出墻脚隣機
響宵分雜以小兒喔酸風倏忽來敗屋如鼓素冬月未
授衣裘綿長苦薄黃金鮮床頭久已散然諾豈不思故
廬歸家翻不樂讀書老何成少小嗟失學蹭蹬非一朝
弱草偃冰雹力衰慙躬耕黍地寧饒確衣食之遠謀非
關人情惡納踵履已穿見肘衿徒捉齒豁而頭童胡然
事拓落寄書返柴荆耦耕踐後約

送汪舟次檢討 冊封琉球四首

咫尺顏威重梯航日月勞九垓深雨露萬里靜雲濤神

物丹函護王人玉節操恩波正無外薄海看週遭
殊命今重錫中山豈外臣已知同覆載况乃荷陶鈞片
服通南紀滄溟拱北辰從茲宣德意一洗小邦新
周南太史氏禹穴僅探奇絕島曾無跡遐陬未勒碑
聖朝收屬國 詔使重陳詩禮法行應辨非惟問土宜
揚颿真若駛甲子是歸年體統千秋定旂常一日懸
布心勤寵渥察案頌英賢天馬葡萄異羞同漢史傳

喜晤戴懷古

時懷古有
維揚之行

似鶴還餘骨清羸真道流醉鄉元嬾託詩思獨冥搜遂
有維揚役宜登江上樓春潮花月滿行色好淹留

和俞旅農入春雨雪兼旬漫成四首

竄恨南花少翻愁北雪多歲時曾有異天地本來和且
酌忘憂酒聊尋閉戶歌過從無定約一雨遂蹉跎
洩雲蒙野徑嫩日稍開晴瞬息風還至蕭條雨又生水
亭連竹色隣屋繞雞聲天漏何時補西疇尚苦耕
河流平野岬樹壑斷橋低正欲尋幽興偏難度隔溪魚
竿垂水檻花徑浣春泥每戩城鴉噪歸飛遠近齊
積陰人事少正喜掩柴關砌冷偏生蘚城高不礙山隨
風雲自薄得食鳥能閑遲日林花發良遊定許攀

旅農示令弟簪雷山中詩賦贈

我未嘗出遊不識天下彥知心二三人相思各異縣異
縣復他鄉轉徙何時見野處尋巢居溪行愛漁眷開荒
無租牛苦屋少賀燕生無讀書分隘老苦日眩歲久客
桐鄉閉戶不自銜未忍忘友朋俞子實繾綣示余山中
詩令弟竄傑鍊精光發紙間霍若巖下電天駟產渥洼
拳毛朽霜練騏驎不敢追况乃駑馬殿束髮師古人志
亦尚孤狷蕭然林莽中所願非華踐白雲如可棲因君
爲羽便

旅舍

旅舍桐溪對石橋花明月白聽吹簫人生能幾晚年別

鄉夢不多寒夜銷跋扈飛蟲迎蠟炬闌珊漏鼓答春譙
近聞雨露新承寵想像娥眉看祇自嬌

贈華義逸即送其北遊二首

絕藝工前輩如今更數君人稱吳道子法自李將軍白
鬢從堆帽新詞屢軼羣都亭逢舊友休誦北山文
芒屨江湖外絺衣風露前全家謀粒米旅坐出殘檀山
色看齊魯河流入薊燕諸公宜薦引莫使老黃荃

自桐鄉至濮院舟行二十里夾岬深林茂竹清幽
可愛口占四絕與碧巢

出郭迤東正午晴小舟欹側御風行麥枯豆圻蠶成繭

桑柘陰中見太平

溪橋罨畫掩籬門處處縑絲不出村野老看人謾停樽
淥波翻動小漁舩

粉瓣檀心葉底藏刺花開落拂衣香水楊陰下清無暑
細語黃鸝白晝長

欲尋深隱卧溪山咫尺雲林未擬攀何日把茅苫老屋
留君小住萬松間

青士自桐鄉歸示余癸亥七夕詩依韻和之

樓頭照纖月風浪靜銀河閱歲夏方閏經秋涼較多殘
荷珠露滴叢桂小山羅莫乞人間巧尊前奈老何

次旅農夜話韻

重得谿堂宴天風解散愁身輕孤鳥羽歸穩下灘舟對
酒且相樂授衣方過秋不因淹小雨珍重為君留

谿堂月色甚佳因念客冬與賀天山拓庵葉已畦
燕飲此堂忽焉一載有懷其人

皎皎城頭月相看似往年何人留白下獨谷卧青檀菊
蕊迎霜坼藤梢葢瓦偏虛堂真習聽汧瀾隔風傳

題六州小像

丈夫意氣誰逼真江東髯也今絕倫文章迅掃無定質
落筆變化動有神憶昔登高客異縣黃花對酒時相見

六州渺論吐若虹六州新詩淨如練吾愛六州顏尚少
慎重留賓意矜妙讀書不肯守章句貴得大旨誇坐照
君家兄弟才縱橫由來克敵無堅城叔也張軍季英銳
屢出間道爭奇兵圖書插架盈萬軸從人往往稱書麓
海內相逢識顧厨傾貲結客猶未足金閨之彥萃一門
丹纓白馬如雲屯又能好事工剗劃帖石築屋隨攀捫
示我傳神誰善手前有曾生後謝叟此筆傑出卑等儕
使我注眼亦已久凝思燕坐非逃禪丰姿瀟灑如神仙
莫將野服傲當世視草西清正鼎年

宿桐谿書館

不為西街鼓沉沉此二更淒涼今夜睡轉側幾時明簷
月昏仍照風湍響未平鄰鷄與城角併聽竄關情

鳳鳴寺看梅次韻

春風渺何許吹我客中行寺靜吠寒犬林深啼早鶯疎
香閑意好瘦影遠條橫剩有剗詩癖徘徊一愴情

用桐谿草堂韻東陸思廣俞旅農二首

頻年不惜旅遊多西邑經時一再過幽興草堂虛對酒
閑居書幄定垂蘿東風自染桃花色社雨能新燕子窩
並有主人三徑在每思聯句月中哦
舍分南北板扉開過踐溪橋壘石墮比屋每經深竹暗

名園宜乞好花栽定知煖老懷燕玉更喜同岑得異苔
忼慷不須論少壯襟期嘗見古人來

即事四首次管谷韻

江梅春早放暎水白於霜未竟參差舞都無蜂蝶狂疎
香隔籬落清夢繞谿堂笑殺癡桃李花開有許長
忽訝形神異須知歲月更移山蚊負力擇食鳥銜輕匪
席終難卷循名亦有聲只今甘棄置垂老竟何成
一藝矜通國何人似奕秋居常應努力爲善莫遲留眠
食宜加慎清羸勿易愁此身須健飯養志可優游示敬
古人思作述千載有遺音不惜無知己常時費苦吟庭

寒春草碧風定落花深用好欣相遇銜杯許論心

管谷復疊前韻余亦更賦四首

檐月初銷雨空庭夜有霜薄寒未減清醉客猶狂雪
掩懷林屋春雲護艸堂誰攜樓上篋吹入旅思長

出門無勝踐春事雨中更礫圃花枝瘦風廊燕子輕鄰
家春穀語水市築堤聲寂寞煙蘿客新詩看早成

人向春風坐心如落葉秋長貧兒女賤短褐歲時留渭
水徒思獵湘纍不放愁檢身無一物浪跡十年遊

葩藻發諸子鏗鏘金石音雅聞具區語思廣應作黃山

吟六州春水移船疾桃花泛酒深東風臨眺處忼慨有

同心

撥悶四首三次前韻

都市爭棋道功名薄日霜曾無柳惠介那免接與狂花
 氣融三徑春風解滿堂深居忘客過正喜書方長
 駝褐經時敵春寒尚未更坐圍爐火簇風旋雪花輕茗
 枕耽香味糟床聽酒聲燕泥新壘就相對賀生成
 容易春光老清明近麥秋草熏魚子出僻穴野蜂留亭
 館從時憇風雲入暝愁平生重蘭譜攜手此同遊
 挂壁有清琴誰傳太古音寄閑思妙拍啟悟得高吟禪
 榻坐無悶花房閉自深為耽清淨理坐照覺澄心

寄懷里社諸子四疊前韻四首

故里經行後花穠更隕霜何人悲潦倒知爾愛疎狂
 影窺林木鐘聲殷法堂新來無片羽未覺寄書長
 憶昨留鐙市分題到五更藍田鹿柴小
 輕鄭氏草堂雪鵲籬邊畫義魚水面聲相從社錢合歲歲慶
 時成

醯鷄忘晦朔旅燕識春秋行止復何定江山為小留嵇

康真得嬾平子善言愁倚檻觀魚樂奚知莊惠游青士與余

客桐溪

春夜隨蓮漏明鐙聽梵音老人偕少阮青士姪天錫弟子

習清吟青士高弟奎高興今年得年來無此勝引遙情此夕深時集林虛上人房
津理歸權莫使賦遐心

宿烏戌次管谷韻

積陰猶未散鵬翼看雲垂古戌風摧堞春塘水漫陂村
船呼鴨早佛刹上鐙遲愁絕還家日清明已後期

次管谷卅發盛澤因風便自郡城還桐川宿於陡

門即事韻

經行非故道舟子識程途地鬱蟠形重江清折勢紆蒼
雲沉野照故壘沒春蕪幾許投林意飛鳴念夕烏

乙丑上巳六州有茗上之行賦詩留別次韻送之

采蘭春已暮分手惜同遊曲水未開宴何人攬去舟
花香小草鶯語隔深流後夜憑闌處思君明月洲

勤有居習靜

底事攜琴作旅遊故園風雨逼春愁喜無野雀彌天噪
肯類盆魚一勺留花事定知三徑改鄉書能得幾人修
徵詞賴有清真在紅燭條條照拍浮

清明日同周管谷汪石阜計敦叔暨敬兒閒步桐

鄉郊外書其觸目用放翁韻四首

客裏清明好風光四面亭枳籬花小白河渚草深青
婦女攜筐果兒童挈酒瓶還家思痛飲爛醉不須醒

城南差識路三里是茅亭里媪皆衣碧村姑亦避青

風俗凡有蠶家清明日出遊謂之避青焚香祈土偶折柳插銅瓶照水紅桃暖

醺人誰更醒

盡日無人處秦王廟後亭

廟在縣治東南五里竹林淨宇幽雅今為屋菴亂荷鋪地

紫禾郡農家冬日以草子下種田塍間春初發生清明前後開紫花彌望如雲錦俗謂荷花紫草以其狀類芙蓉也土人亦攜酒榼坐飲其中

細柳

織裘青屈戌鈎簾戶沉香注水瓶閒房解春睡愁眼未

知醒

村路紆迴盡人家得小亭臨池浮水白倒影入天青出

塾看兒戲掬魚注水瓶翻思幼時樂心地幾回醒

次六州三生石韻

籃輿遊下竺山樹夕陽侵彷彿隔溪語如聞橫篴音心

空緣自寂世短意常深我欲尋歸牧誰為風月吟

季青深居習靜久不對客旅農以二律贈之余繼

其韻和焉

堂上何人畫遠山蕭然永日掩松關欲尋藥品方書檢

喜得琴材逸客還波激盎池魚自活響捎花蝶鳥長閒

須知細草含生意相對青青不忍刪

放衙暄晝擁蜂王階下春泥過雨香心自平時終有會

句看入處總無方泠泠水石還相答渺渺雲煙未覺忙

君正摘蔬思小飲市朝閑處寂清涼

藍村

管谷以夏孟還里六州賦二律送之次韻

去留真不定別恨總絲牽滿院桐風冷高齋夜雨懸疎
燈分客夢清淚溼愁眠鄭重浮谿意期君解粽筵
早行溪水上背郭短篷牽獨客蒼茫返孤心日夜懸書
從長水得樹蔭小窗眠顧念良宵飲何知是別筵

閒窗偶成四首用六州韻

樹蔭谿南好索居午眠推枕起來初行隨水檻開簾看
正喜橋邊躍鯉魚
長條細柳隔煙垂倒影微風漾碧池不是閒心觀物化
水龜桑蠟蛻誰知

蜀錦花開已兩三新黃龍麥老桑蠶前村又下疎疎雨
一片晴雲過水南

經時雨熟果林佳小憇聞鶯得好懷笑摘野花單插髻
縑絲素手看鄰娃

夏五雜述四絕次六州韻

單衣初試坐前庭細葉安榴插膽瓶白晝自長人自靜
喜聞銀瓮欲開醅

栽根細切糝蒲觴小醉微吟賴別腸不分池塘清入夢
算來荷氣雜花香

水蚊入夜似喧雷艾葉桃枝剪作堆小巷家家齊灼火

濃煙絺幔鬱難開

俗以桃艾雜葉午日於門外燒之令是年蚊少俗謂蚊煙

罷蠶捲箔倚茅檐近市人家斑竹簾煮繭入盆推女手
新綿出水白于鹽

夏日浮溪館見綠陰次犀月韻二首

牡丹開過已三旬酒漬風淹碧樹新幾許竹梢陰晚砌
徑苔曾却倦遊人

水楊枝下細萍鋪隔岸人家放鴨雛坐石無須弄酒醖
閒情相對倚高梧

午日碧巢招同人泛舟郭西道院晚歸讌集次韻
送送入行舟高情藉旅遊言尋郭門路泛茲桐溪流

碧素鮪葉深鳴栗留綠源達仙觀拾級登高樓隔河
俯城堞竹樹連長洲紫蒲苞短節紅花發圓榴卓午日
色止微風扇輕謳啜茗不及飲衣葛不及裘翛然滌煩
暑兼以銷客憂歸來斟芳醕相與結綢繆

繭綏別駕於仲夏入都謁選鷗亭碧巢遂有仙潭
之行詩以送之兼呈繭綏次犀月韻

西邁仙潭物色新碧梧千尺照輿輪酒停燭下心先醉
歌繞梁間拍遍巡中夏遠宜清暑散東華輕著軟紅塵
一官未足酬身願為說萱庭有老親

喜管谷至對酒率及堂

落日故人至軒窗猶晚開寒蔬克木耳夏果熟楊梅稚
子同為客鄉書不復來淒其身世淚長遣滴餘杯

展硯詩為柯庭作

桐谿吾舊游兄弟昔繼繼著書彌歲年畜德貴履踐以
余為同志端居共清燕收藏富典籍結交盡文彥語笑
吐宏詞器物哂近玩柯庭暇日過示我端石硯歷歲四
百週厥跡萬里徧顯晦既有時榮辱亦遞變古來奇傑
姿漂泊屢憂煎失路卑等夸輕棄實遭賤伍胥既吹簫
淮陰復垂練何況一物微隨人為隱見觸之如凝冰拭
之似流電一日雖見珍經時乃百鍊物產天地中得喪

豈無眩帝王苟失御往往糜赤縣片石不能有良嶽寧
在汴何如託名流晨夕自依戀曰余愧涼薄無能為傑
撰銘爾屬何人永為後世眷

六月望後大雨屢作入夜涼甚喜賦

我行苦炎蒸冒暑至桐邑兩岬俯幽篁舟從一水入透
迤淥波間荇藻暎衣濕抵萬方及門主人欣相揖是時
層雲生雷聲震原陞雨足明長虹涼風何習習寧知旬
日中連綿檐溜集枕簟夜氣清衾裯晚來襲書籍坐相
親練囊螢可拾

乙丑七夕碧巢招同犀月諸子對酒奉懷管谷客

魏里鷗亭在茗上二首

不作天邊雨城頭暮鵲喧歡期傳土俗涼意在衡門次日
漸食分湖蟹宜開下若樽近文多乞巧幾日得重論
勿好披襟坐堦除草自芟酒傾碧筒飲詩就粉筠剗珍
果防蠅集絺衣避犬銜誰憐秋思早更念遠書絨

次海塘觀漁韻

聞說檣天浸秋風鼓怒濤竹編翻短艇繩網掣雙螯過
堰黃泥熟看山白塢高海王原自富人力莫辭勞

聽歌四首次韻

十三陰雨十五晴半夜雲頭有月明移席不須紅蠟燭

捲簾那許入秋聲

空庭萬籟寂無聞短拍紅牙隔座分試脫青衫工意態
一經絃動更愁君

乍聽鶯語出林墟不分銷魂醉自除彈到沙黃關月苦
琵琶馬上轉欹歎

江湖老去更吹篴白髮梨園弟子師零落南朝後庭曲
石頭城下雨參差

贈別管谷入都次韻二首

鈍拙應吾道誰言巧者良多君持所短偶爾勝人長塵
土衣纔脫楓林葉又黃且留終夕話濁酒自盈觴

爾我俱垂白，衰年強使分。昏鴉看接翅，斷雁惜離羣。
禹思求友，襄陽不事君。蹇驢行策策，揮淚對斜曛。

十月下浣鳳鳴寺牡丹發花次韻

祇林底事有鉛華，石甃晴空落點霞。不信名園莫傾國，
却來小雪現寒花。春風拂檻非香榭，侍女挑燈是妾家。
珍重東籬開晚菊，莫羞管蒯避絲麻。

又次鷗亭韻

聞道天街薄有霜，僧鐘微動散初陽。仙人紫府朝添冷，
瑤水玄冥夜墮香。未許游蜂窺洛浦，何妨老子倚胡床。
閑愁肯爲村醪解，羯鼓頻催到上方。

鷺脰湖同碧巢賦

一日百里刻十里，十里易過百里長。馬行多疾，颿行遲。
安得風力如馬強，浮溪逸客真好事。邀我遠行，隨粟糴。
我生畏水如畏敵，竊恐春激摧舟航。入湖蒼茫凌萬頃，
亦復豁達覺神王。要之波瀾起平地，奚必弱水憂危亡。
此湖方廣僅一舍，去來往往如寢床。且喜濃雲暮天霽，
積陰倏忽開東方。還將一片青銅鏡，洗出千秋萬古光。

雨中松陵渡太湖

平波三萬頃，此地接西吳。澤向東南震，人從鴈鶩孤。
雨搖沙際柳，春暗水田蕪。欲問梅花曲，因君泛石湖。

泊閭門

春雨更綿綿春陰二月連
岍齊新草碧花作冷枝妍
書籍人方枕箏琶曲未絃
山寒少游女閒殺蕩湖船

錢遵王招飲東城別業是日極寒賦三絕句

名園列屋盡朱欄
隔座春山放眼看
怪却小桃紅未吐
自經猛雨怕春寒

枕河樓閣水陰陰
中有清愁一寸心
老樹著花憑折去
傍人清嗅竄難禁

一卮蒼玉半圭同
新貯蒲萄乳酒紅
醉後不分書萬卷
香奩詩繪看尤工

過孫氏大石山房

聯袂復何適超然登此山
春風吹莽泐好鳥自間關
石勢凌虛辟河流入淺灣
更須窮遠目傑閣竄宜攀

遊虞山四首次碧巢韻

一徑懸崖束孤峰傑石肩
高窺雲似絮俯瞰掌爲田
蒼茫烽煙淨徘徊涕泗濺
中吳分霸日曾此駐樓船
錦石蘿爲帶梨花粉作堆
幾時腰更約不見雪飛來
山不憚春寒峭躋攀興豈孤
豐碑無歲月深刻已模糊
山勢全趨海江流曲抱吳
千秋遺廟在榛棘滿荒途

上巳近清明遊人三月程
前裙分淥水倚樹聽流鶯
窳窳綠山麓登登入化城
繁華今不減風土竄關情

泊舟琴川晤姚石村於聽松堂顧湘源出其自贈

詩索碧巢與余同和

清疎畫筆髮蒸年竹韻松姿靜
渺然別緒應須思再見
相逢底用說今緣澄湖水
暖生魚子小雨春山長
蕨拳我自還家書歲月
異時遙寄昔遊篇

次碧巢韻贈汪明府

君向琴川別蜀川山雲海鶴竟
悠然騎驢玉壘闌千峻
下峽銀濤日月連嬾宦柳栽歸
去日愛吟詩紀遠遊篇

爭知好我分瑤席秋水鴻飛響夕絃

經花信樓悼程孟陽前輩

休陽持論世能知手定先朝甲集詩
南國風微傷和寡
中原鹿走怕歸遲
羈懷自抱孤山節服義終為老友師

程為牧齋所憐

過拂水山庄感事次韻二首

蒼巖拂水水煙荒紅豆歌詞罷女郎
碧葉有陰都礙日
暮雲無雨獨歸廊
津梁謾說能超海碑碣從今失擅場
解道春風池上絮似曾飛入野花香

古木盤陰滿徑煙山颺吹面更悽然
門遮野蔓爭驅牧

水漲菱池倒影天，屋壁暝來初釀雨。果魚涼入不成阡，
沉吟莫惜風流盡。去和漁歌佐刺船。

貽穀堂主人招遊虎丘四絕句

輕寒薄煖時時變，暮雨朝暎日日移。主人爲惜春意態，
故遣花枝對酒卮。

小袖雲藍紫翠裘，修蛾淺黛暎朱門。何須秦洞花千樹，
結子成陰只一根。

席大雪花三尺陰，周郎朱季此相尋。賦詩飲酒分手去，

老淚春風契濶深。

辛酉歲除雪中與青士彥
琛買醉山樓今五載矣

山塘門戶雜花香，畫舫迤西綠草長。不是情深過潭水，

客心底肯不思鄉。

同碧巢訪鈍翁先生

世實無才傑，何由見古人。如公真作者，餘子敢爲隣。瘦
勁看松骨，蒼堅比竹筠。誰能共抵掌，龍性正難馴。

胥江恭謁 萬壽亭紀事

雄武開方夏，英姿剗逆豪。聖躬垂睿慮，至德靖神臯。
脫劍無淹晷，崇儒敢憚勞。翠華臨闕里，釋奠薦牲牢。
天塹無南北，宸遊罷驛騷。黎元蘇化日，瑞露灑窮蒿。
吳會風微古，江沱俗近恬。帝心勤袞濯，敷命大甄陶。
草偃威靈速，民來棟宇高。翬飛翔鐵鳳，勢重壑坤鼇。晴

色熏初柳春雲媚小桃時雍章品物景淑萃官曹解悞
思歌阜含醇為飲醪不知穹壤德自有化工操不變還
淳古承麻浹雨膏無疆寧待祝堯曆慶時遭

皂林舟中和薩天錫韻懷晉賢

細草湖光夕陽射人家蒼竹啼山鷓柳眼欲舒尚未青
梅花纔開又還謝此時把酒違故人此際故人掩書舍
隔城今夕起相思東風吹夢何由借

皂林舟中重憶晉賢用前韻

南風吹船疾如射遙山隱隱飛蒼鷗溪灣葉亂魚戲波
古苔花濃香未謝美人不見空暮雲月出山橋傍茅舍

思君不寄一行書舊驛荒涼無使借

庚午十月過桐谿草堂聞徐松之歿詩以悼之

舊有登高約遙從十月來人間無逸老泉下有餘哀顧
昔留遺筆誰為築夜臺松陵煙水地悵望獨悲哉

登勤有居書樓贈若木倬雲兄弟

登君百尺樓浩蕩已忘憂花氣三春雨桐風八月秋敦
倫兄弟重稽古典謨求莫以文章賤行為報國謀

到桐鄉

野水夕陽暝白雲秋澹然人煙彌郭外竹色淨谿邊好
友幾存歿種花忘歲年何曾歎哀老人怪雪盈顛

桐鄉縣絕句九首

縣樓過盡水西涯
兩板門前一架瓜
露葉煙梢千萬縷
飛來小蝶滿黃花

東風猛雨過荒祠
檻外垂楊盡挂絲
好憶神靈竄飄忽

夜深燈火墻前移
嘉靖間烏夷入寇桐鄉有張六相公者結客捍衛鄉里里人德之既歿立祠城東南隅春秋祀焉祠前有墻

池下有

城南村路昔曾經
叢竹僧居草蓋亭
臨水雨肥菱葉暗

一時秋在蓼花汀

爛醉如泥卧草堂
岍花谿雨屋頭香
三年別後渾如夢

曾過蒙陰一斷腸
丁卯冬余客蒙陰逆旅見青士題絕句為之泫然

嘗說浮生似葉輕
已成陳迹百年名
江湖莫道風波險
也有彈棊甃不平

蹇羸塵土十年違
官好攜家只當歸
莫說秋風鱸膾美
秋風吹不到皇畿

夢回殘角曉鴉啼
風滿庭柯月落低
一點殘燈車幾輛

亂山孤堠各東西
丁卯冬碧巢往粵余之都門

殘荷池沼暑方退
亂葉堦除風自饒
一枕睡餘人自適

竹間涼雨晚騷騷

形影相依兄與弟
讀書春夏登我堂
今日疾吹片帆去

何年風雨更聯床
門人周禾有都下之行悵其遠別

浮谿館小集看桂

不退谿邊暑何知
秋雨涼晚晴招鶴
下修堞雲黃吾
已思長簟君猶醉
曲廊坐看山月起
桂樹影蒼蒼

鷗亭招同簪雷飲勤有居

二子纔相見傾杯
邀我歡曾無天下
士轉覺布衣難月
好論文夜風清過
雨灘竄稱賢地主
不使鉞長彈

再集浮谿館送旅農還長洲

別業谿橋下秋聲
散竹林庭陰高亂
石風磴響清琴吳
語幾人雅松醪一
醖深蒼然今夜別
歸夢肯相尋
華及堂視昔編

華及堂視昔編

休陽汪 森晉賢輯訂



俞瑒字犀月號旅農長洲人尊人芥庵公嘗從遊於
吾鄉雲莊程先生研窮理學闡義文之易多所發明
君淵源家學不屑制舉業亦嘗聽講程先生所與韓
君望湯萍庵諸君子切磨攻錯爲程門後勁博觀羣
書以詩古文自娛染濡揮灑排宕有英氣始余選時
入詩友人持君詩致余余披誦一過輒生愛慕遂爲
神交江右曾青藜亦謂余曰詩人如犀月吳中之錚
錚者也未幾蘓臺諸同學於虎丘來賢堂有文會之

舉余赴時亟欲一見君而君竟未嘗至及訊所以則以居憂故也薦紳先生多重君才名有欲招致燕臺者堅辭不赴人咸以爲高康熙己未館余仲兄齋頭課余姪爲熹繼煨觴詠倡和日以爲常是時華及堂雅集無旬日間君每與焉燭炮別去及詰朝余方洗盥而小胥持君詩至矣才思橫逸興到筆隨或一題至十數和往返如織未嘗見其思致之澁也君飲興復豪以大户自負余從粵東得一香槎可注酒二斗嘗酌送他客無不辟易君則欣然滿引蓋惟余與君時相對壘他無能之者居恒談論凡古今人品著述

別妍媸程工拙瞭然不爽聽者莫不竦然生敬服其該洽又好評點諸書於考訂證據中間附已見文選昌黎集尤多發人所未發歲己巳君同里友人顧俠君搜輯元人詩邀君共事君假余架上藏本若干種以資採擇抄撮成書君實贊之既而以事將過桐舟中午餐飽啖肉食起立移座竟端坐而逝時康熙甲戌也年五十有一所著有胥臺集治河纂要君之弟理珍襲焉子芑嘗隨侍來讀書資性穎敏少即淹貫爲詩文操紙筆立書人咸以大器目之年未及壯竟先君歿有子一君卒時纔數齡

李乃堂初音
二
表杼樓藏書歌奉贈晉賢

憶昔誦君詩始聞表杼樓表杼樓高渺天末光華欲與
春雲浮君家好詩詩總好今日登樓爲君道樓頭嘯咏
欲驚人筆下風雲恣揮掃冰壺濯月春柳新知君胸次
無點塵讀書便須破萬卷如此豈是尋常人江波淼淼
蒼煙積我來適是樓頭客縹緲十乘整牙籤目眩藜光
映空碧秦碑漢隸次第尋如坐武庫寶藏探奇琛澄心
堂紙鸞溪絹併入高樓照古今俗下文章易草草人生
讀書苦不早但教好古辨丹黃那得今人不傾倒池塘
芳草春漸長春花拂檻東風香君家兄弟竝才俊弄墨

揮毫孰短長余生亦是耽書者窮巷蕭然媿疎野近從
唐宋遡羲農萬古茫茫爲誰寫登樓四顧心躊躇氣象
爲之一展舒看花對酒亦佳事有眼閱徧人間書名場
擾擾多刺促讀書豈不如梁肉焚香宴坐對古人寂守
衡茅亦心足風騷結伴秋復春桐溪煙雨接芳辰君今
百尺樓頭坐自有餘光照四隣

丹霞澹歸禪師春日過桐溪草堂訪六州碧巢枉

示新詩次韻二首

江上孤篷煙雨新片雲輕駐四無鄰似從劫燒留殘土
曾見滄波起綠塵天地每留難了事山川非復舊遊人

閒情併向空門盡瓶鉢垂垂一老身
閒關千里越溪東留得閒身信短筇三寸未離懸尺水
一絲休挂上孤峯雲生古樹樓馴鴿月照寒潭貯毒龍
塵土不沾隨處好珠林依舊百花中

雨夜懷家鹿床同碧巢在吳門

客裏芳時重友生故山遊屐况關情鶯花過眼成三月
風雨懷人近五更虎阜春泥芳草合鹿城煙水畫橈輕
新詩兩地都相似欲向樽前爲計程

喜碧巢自吳門歸

作客來江鄉春光亦頗好平生愛友朋今古共搜討我

行客君家君向吳門道對酒憶君行離懷不堪埽春風
一夜雨綠遍江頭草江上望蘭橈君歸亦能早鶯啼花
滿溪未覺春光老歷覽遍吳山新詩麗才藻歸來叩奚
囊細語抒懷抱春月暎花闌微風蕩晴昊良宵慰遠懷
共把芳樽倒

聞篔簹自長興歸

東風催作雨廉纖花際春雲壓酒帘昨夜扁舟江上到
一時芳草夢中添溪名罨畫頻移棹人對青山獨捲簾
聞道奚囊多錦字苦吟相和更何嫌

篔簹以詩見和復次前韻答贈

紫陌塵飛草尚纖
棟花風細動輕帘
離懷對客方知減
詩思逢人却倍添
當戶鳥聲藏宿霧
隔牆樹影落疎簾
知君自喜羊求約
蠟屐相過定未嫌

初夏間齋書事用東坡百步洪韻和六州碧巢

金魚躍水吹微波
紫燕擲簾輕似梭
芭蕉綠影上書幌
松煙古墨方濃磨
新抄書卷備清玩
杜陵陶謝兼東坡
離奇有似陰頴柏
淡遠或如秋水荷
縱橫歷覽目盡眩
如攜短棹爭盤渦
良朋聚首共歌嘯
有口欲辨慙懸河
薰爐噴煙清茗熟
庭除閒寂雀可羅
新詩甫成徧訓和
函牛寶鼎烹紫駝
君家昆弟好博雅
筆端凌縱復委蛇

法書墨蹟亦頗好
蠅頭細楷大擘窠
風騷勝事重相勉
琢句往往輕陰何
一聲好鳥綠窗靜
午睡覺來微欠呵

漸江右吉先生過桐谿草堂暨鹿床先生與余皆

同姓也為作長句贈之

月上梧谿暎草堂
樽前握手語文章
三人恰喜皆同姓
一夕相逢在異鄉
江左詩篇推大謝
西都經學辨公羊
吾宗竝有耽書癖
欲向名山問所藏

食青精飯次六州韻二首

幽居無珍羞自喜
飽蔬飯至味貴所宜
春芹亦堪獻西
巖有靈草謂可助
强健青青南燭枝
柔條未盈寸細採

漬香秔青瑩入膚濕粒粒琅玕珠疑從賈胡販晨炊快
柔滑几案賤肥腩風味待含咀余懷每留縷香菘滷露
鮮荻笋迎風嫩憶此山廚佳芳醪邗須勸果腹本無多
饑驅恥芳頓江鄉具野食欣喜一笑噴開樽不計千下
箸何勞萬碧椀胡麻香當筵愜深願神仙有服食茲語
殆非譚

浴佛風清和香廚具乾飯方由羽士傳俗向僧伽獻耳
目頓教新筋力藉茲健攀蘿徧千尺摘葉纔方寸細搗
色偏勻輕揉汁頗濕炊金莫誇珍屑玉那須販果飭貴
櫻紅羹調獸羊腩山蔬競蒐羅野味獨深縷晶瑩菡萏

青細瑣琅玕嫩胡麻洞中遺石髓幽人勸惠我制三尸
感君重九頓甘逾竹葉芬香擬松煙噴遊神傍清都刷
羽乘吹萬果其神仙術兼此口腹願無乃近貪癡方書
恐嘲譚

雪夜集華及堂同用東坡北堂書壁韻二首

梅邊竹下影廉纖似覺寒更鐘漏嚴瑩徹萬重雲母障
清留十斛水精鹽藤蘿入畫凌虛壁鳥雀無聲傍小簷
最喜曉來看玉樹牡丹枝上露紅尖

凍壑疎林點暮鴉竹鑪茶沸響綠車偏宜蠟後千村麥
早放春前萬樹花短棹孤篷須我輩淺斟低唱屬誰家

醉餘欲問陽阿調十指排籤媿八叉

春日移館六州辨香樓有懷碧巢兼簡管谷

百尺樓頭樹影移峭寒天氣杏花時高情久竝陳蕃榻
野性應慙董子帷千里金蘭頻握手一簾風雨憶傾卮
溪南溪北無多遠日日郵筒好寄詩

入春後雨雪連旬兀坐漫成六首

冬煖稽寒今當春雨雪多未堪滋霖霖其柰阻陽和柳
短空思舞鶯愁不任歌春光定何處正恐易蹉跎
藉徑無芳草迎眸少艷花人方嗟困弊天亦散繁華南
陌青驄馬西陵油壁車重雲千萬里脉脉爲愁遮

頗怪連宵雨都無三日晴虛檐冰溜合高枕夜寒生瀉
竹偏知重侵窗漸有聲勾萌殊未達何以慰春耕
淡沱春陰積淒迷花事難焚香煙亦潤煮雪火猶寒取
醉仍澆酒禁愁獨倚欄越中梅信早遮莫已闌珊
寒侵花影瘦凍壑柳枝低春令已逾月漲痕空滿溪謝
橋愁隔水阮屐怕衝泥把卷耽閒寂陰晴理亦齊
泥濘連深巷昏騰只閉關地偏忘遠客人靜似深山帶
雨花情怯棲林鳥思閒芳園多勝事晴日更追攀

養蠶謠

梧桐鄉中養蠶舍不種梧桐種桑柘清明初過桑葉肥

葉少蠶多便增價風晴日煖蠶苦饑典衣飼蠶相嘆詫
蠶饑繭薄縲絲少蠶婦吞聲淚如瀉新絲價賤少現錢
縣中火急官差下

暮春上浣驚聞鹿床先生之訃六州昆仲設位草
堂遙奠以詩哭之二首

執手江干事惘然舊遊踪跡感生前空聞白首徵長吉
猶有青樽祀浪仙論世獨推元祐上置身遙在義熙年
交情珍重均存沒淚灑詩瓢手一編

花前遙拜酌芳樽風義猶同哭寢門扶杖昔曾聯酒社
墊巾無復返吟魂五言勅敵今誰似一字稱師尚忍論

回首雲巖芳草綠

先生倡雲巖詩社

江南白髮幾人存

碧巢出家鹿床雲巖集讀之有感

達生豈不高故舊情所憐文章見交道况乃同姓賢憶
昔雲巖遊新歌示佳篇攜樽共酬倡待我能忘年謂我
好詩者力可追古先風騷有同尚微意誰能傳客歲共
南遊晨夕相周旋當杯吟秀句縹緲凌紫煙音容一朝
隔遽爾同逝川老成有幾人委蛻不復還青山固如昨
馨歎存遺編人生重知己念此良泣然

同碧巢過虎丘偶書所見

柳煙深淺畫橋西蘭槳尋春路亦迷人坐酒樓留宿醉

燕穿花市啄香泥梨園舊雨參軍舞紫塞新聲鐵馬嘶
聞說吳民苦艱食繁華猶在白公堤

吳門雨中送碧巢歸桐川

路遶吳閭芳草生與君還聽故山鶯扁舟似是同爲客
分手如何復送行樽酒隻鷄慙地主斜風細雨說歸程
桐谿已訂看花約江柳無勞繫別情

遙憶桐谿牡丹兼呈碧巢

柳坼花稀穀雨新芳期多悞漫勞神高情縱爾能留客
濃豔寧知肯待人月照綺霞籠碧樹露零瓊佩踏芳塵
他時更向雕闌畔說盡相思也易嗔

管谷碧巢自吳門返棹漫吟短章四首

桃花紙貴金閭市蘭畹新詞是作家曾向水亭涼月下

雪兒纖手按紅牙

時詞綜
甫出

越羅衫子軟紅靴檀板輕拈唱字訛怪道蘭舟久停滯
梨顏一點動微渦

堆盤火齊楊家果銅井山頭憶故人

鹿床先生
家於此

記得去年

梅雨後青鹽紅酒共嘗新

顧曲周郎頭早白窮途阮籍眼常青爲將舊雨連今雨

恰憶長亭復短亭

時管谷將
往魏里

簞谿以茗扇見貽

新茶細采鳴蟬翼團扇輕編野鶴翎活火清風兩相似
酒懷塵夢一時醒

和聽松堂原韻寄懷六州於茗溪

月照疎櫺未易眠懷人欲棹剡谿船藏書借讀過千卷
傾蓋論文勝十年奉母尚餘留客饌買山須用換碑錢
知心許結躬耕侶媿我南陽少薄田

七夕用前韻簡碧巢

蓮塘瀉瀉一雙眠柔櫓輕移鴨背船玉樹好風生薄暮
銀河微浪隔經年蛛絲暗度迴文錦蟻酒須添赤仄錢
試按紅牙對新月新詞寧讓柳屯田

顧雪坡至桐谿夜話時將之楚中用前韻贈之

剪燭披圖尚未眠谿山應置米家船音書易隔同千里
寒暑旋移近一年自信伯倫偏嗜酒何妨夷甫不言錢
楚江芳草尋難遍種蕙先須百畝田

六州有弄璋之喜復依前韻爲贈

吉夢因之喜不眠谿頭遙爲望歸船弄孫微笑吞牛日
就傅先期奉雉年鳳羽待成雲五色龍媒齊拂錦連錢
謝家不少琅玕樹萬卷藏書即美田

寄懷篔谿於雉州草堂用前韻

草堂閒寂許安眠罨畫谿頭繫釣船閉戶攤書真避俗

焚香習靜可長年竟陵茶客曾名羽大曆詩人說姓錢
此地從來棲隱慣結茅何處問畬田

庚申仲秋奉和六州辨香樓見月寄懷之作

明月臨中秋歸期早相促年年三五夜虎阜徵新曲羅
綺照金樽笙歌引樺燭繁華動吳市客路方遙矚今歲
盛滌霖炎蒸尚餘毒征帆帶飛雨別緒勞頻囑風月好
平分襟期所同勗吳民苦昏墊越艦迎旌纛時事正艱
難殷憂在當局中宵生百感忍把吳吟續遙想梧桐鄉
樓頭泛醅醪憑欄對清影浮露澄寒玉叢桂動微香幽
懷蕩塵俗新吟共酬和佳事頗已足余乃離羣居苔痕

積深綠囊空媿村沽瓶罄少儲粟所喜秋風佳煙華照
余禱山川自明秀何事但拘束乘月且遨遊余心亦深
欲

登樓看月因爲長歌

中秋看月樓居好憑闌四顧使我抒懷抱何況高樓恰
面東秋宵見月偏能早風高氣靜煙華收臨窗早挂湘
簾鈎初過上弦到三五清輝夜夜當樓頭此時蟾影空
中流開樽滿引忘却三更秋人寰湫隘苦鬱塞十丈紅
塵遮不得我獨何爲自逼仄且令置身玉壺之冰水精
域月皎皎今煙光清露泠泠今參半橫銀河縹緲玉衡

轉哀鴻欲度初無聲舉杯向天欲狂叫問天不語天亦
笑笑我狂吟痛飲多奇懷借之明月使爾心胸開我聞
廣寒宮中生桂樹下有金蝦蟇又有白玉兔經年搗藥
不肯輕授人九秋霜露空誰訴曾聞仙人居雅好樓頭
住我有還丹書光華篋中吐平生對酒與超越聳身便
欲凌天闕停杯在手月照杯舉杯吞却杯中月君家兄
弟好奇者筆端萬斛銀濤瀉結交海內多英流坐我元
龍百尺之高樓爲我一洗胸中愁我將與君共飲丹臺
之露流霞液乘月輕飛過十洲

重九日同沈藍村浦樗岡查具美鳳鳴寺登眺歸

與謝文侯棗杼樓看畫夜集次藍村韻二首

秋光快登眺古寺偶同臨霜重沙痕出風高木葉深幽
蹤探野色小憇俯城陰歸路清言好襟期並斷金
高樓闌檻合秋盡似春暄鐘鼎摩挲古縹緗次第繁披
圖杼老眼揮塵滌陳言泛菊深宵月清歌亦不喧

丹青引爲錢塘謝文侯東莞張鐵橋作兼似六州

碧巢篋谿

才人駿馬皆難得天下丹青少顏色愷之韓幹今已遙
何人爲寫真英標古來好手能有幾睛點毫添莫兼美
即今雙絕一堂中白首相逢並神技謝君少小工寫真

不惟寫貌兼寫神鐵橋畫馬如畫人毫端灑出生騏驎
高年相近且八十雙瞳炯炯無點塵一居西湖濱一居
在東粵山川雖竝佳萬里難超越霜蹄不近尋常人肉
眼不識驂馱骨經營慘淡多苦心抉勝爭能爲誰發我
聞古有跣跣士亦有泛駕材奔躄或可致千里奇士往
往羞塵埃相須雖殷相遇疎權奇倜儻安在哉一朝於
此見佳士兩君各爲心胸開濡毫相視且一笑躡電追
風何處來游踪閱歷今俱老相馬相人殊不少神清骨
秀良獨難駮耳渠黃問誰好着眼寧從指掌間論心每
在風塵表丹還倘有仙人傳奇氣淋漓恣揮掃桐谿秋

月映高雲噴玉縱金到處聞爲君寫作三珠樹一見能
空冀北羣

菊樹歌次六州韻

四方異卉來三吳爛熳織成雲錦圖柴桑種菊滿籬下
雅澹獨比幽人徒近者茗溪得異種離奇直與蛟龍拏
高秋勁幹過尋丈餘香欲上仙人居昨夜颺輪海上來
翩然黃鶴凌紫虛蒼煙九點一泓水何況培塿兼溝渠
引吭戢羽暫停駐軒翥自與雞羣殊世間奇事何不有
牽於聞見多拘儒秋庭寒菊本小草綺繡忽從林樹鋪
崢嶸伉爽偉男子奇氣吐作霜花腴太真西子近妖艷

只解柔媚邀歡娛藉茲一洗塵俗陋芳蹤瀟灑秋雲孤
我友作歌比圖畫欣然願與尋方壺仙家服食非好迂
南陽谷口何人俱登高便許策龍杖飲酒自能追鹿車
扶桑之甚玉井藕與此同載延年書滿泛秋英玉壺液
朱絲提向餘杭沽東籬芳蔭許分種小酌花陰日未晡
辛酉清明同鶴年雪坡碧巢篋谿郊行即事分韻
梧桐鄉中溪路紆參差桑柘連青蕪一百五日春正好
二十四番風漸殊古廟衣冠託秦帝村妝粉黛矜羅敷
歸來酩酊忽狂叫濡毫便有新詩無

次和春日遊峽山三十韻

曉思遠說說朝暎湧樹梢漁村全背郭山寺半藏坳岼
影低桑柘汀芽長葑茭游蠶纔出戶歸燕好營巢蹴踘
誰同賭鞦韆莫謾拋花容知雨妬柳舞任風教斜旆停
驄騎驚丸落畫鞘踏青矜麗日采綠到芳郊鳥弄笙簫
部林開錦繡芭草鋪宜屐軟沙淺怪舟膠水帶旋噴玉
煙鬟始露髻裙飄迷石竹佩暖雜香茅士女今爭集妍
姪或易滑綺羅成小隊粉黛解新色殿聳鯨鐘應庭寬
鳳履交經聲連沸鼎鑪氣拂懸旂壞壁蹲獰虎陰廊卧
老蛟藤長綠磴裊松古入雲捎絕頂追遐矚幽巖避載
叟潭空魚細泳徑轉鹿驚跑玳瑁裘攜榼珊瑚飾贈鞞

詩情因境擴酒力爲愁勦目有芳時感心兼遠望傲菜
畦猶布卦麥壠亦分爻文組傷鳴杆汗樽貴剖匏蓬門
艱藿食蘭席散珍肴世道思調燭吾儕匪治庖憂懷空
自擣豪氣尚如焦劍向吟邊看壺從醉後敲春遊易興
歎戲語勿深嘲

又二十韻

宿雨漲春江蘭橈共一雙旋呼擔酒具遙逐打魚艘樹
影依山店嵐光入水窗曉煙浮古塔初日上空杠燕掠
挑芹渚鶯啼折柳椿岼迴脂粉膩市近語音唵踏蘚緣
樵磴攀花度石缸僧廬人擾擾村社鼓逢逢紅袖登香

閣青鬢遶碧幢風憐細腰襜露浥小鞵幫陌上無輕犢
籬根有吠厖旗亭虛舊約牙板換新腔何處留珠佩聊
因倒玉缸塵生迷遠浦峰轉聽流宗解纜歸嫌促疎鐘
暮欲撞芳情都未減詩興孰能降金馬誰名朔襄陽或
姓龐嬉遊雖玩世談論亦經邦繭緒思方茁龍文力可
扛傾囊多錦字細寫照銀缸

次和喜六州奉母歸里將至

才難從古重况乃弟兄兼文彩追先躅丰儀與世瞻盤
虬推本厚吐鳳貴鋒銛孝友能加勉恩榮早待霑江深
魚正美林盛橘殊甜堂上晨餐潔花間夜飲馥塤篔名

竝起車馬歲嘗淹阮籍留青眼郝超羨紫髯所交皆磊
落於道近尊嚴南渡稱王謝東都恥鄧閻低徊天下事
慘澹小民跼致主期颺拜匡時想被漸芝蘭曾結綬蘊
藻孰烹鷲仲也垂芳珮春來奉畫幃灘迴峯轉秀徑闢
草頻添傍檻鶯呼侶營巢燕拂檐烽煙多感舊揖讓幾
興廉野戍宵鳴柝郵亭曉報籤松楸長展敬桑梓重鳴
謙去日庭梅綻歸期竹笋纖訪樵還遇質學釣肯從詹
吾黨聲相和平生石共砥班荆方竊慕戴笠可無嫌驛
路樽前說鐙煤席上占同人珠作樹問字玉爲蟾自笑
顏如赭偏教突不黔囊空羞杜老穎禿負蒙恬揲卦惟

成遯觀爻亦用潛黃唐雖莫企風雅幸微覘製錦原從
翦鎔金實費鉗松濤浮淨几雲篆裊疎簾吟苦思抽繭
談清味勝鹽波澄疑皺穀月挂比磨鎌遊伴攜蔬榼新
妝出繡奩虎頭癡更絕公瑾興何憒曲爲知音顧題因
入繪拈尋幽雙蠟屐撥悶一青帘望裏城陰薄愁中塔
影尖寸心將拱壁尺素凝輕縑共此遲良晤飛帆雨正
霰

三月三日郊行偶書即事四十韻

令節當修禊良朋喜盍簪雨滋花鬢媚風細柳容酣燕
語來何晚鶉啼意未堪緋羅纔賜燭黃帕罷傳柑挑菜

春陰薄前裙波影涵歡顏過硯北攜手到城南略約臨
斜徑空濛帶小潭林分微暎綠岼遠漸浮藍出郭人頗
嬾緣谿路每貪漁曾雙槳去樵斧一肩擔平野飛蒼靄
輕衣滴翠嵐繡茵鋪幕幕絳雪舞粼粼曲水情斯遠豪
梁樂竝湛暫須尋羽客差勝訪瞿曇樓迴宜舒望窗虛
可縱談四圍施畫障萬象出塵函佳果堆梓潔清泉淪
茗甘鍊形偕木石養性美彭聃舊註曾稱向新篇本姓
譚鐙殘雲鎖闥露冷鶴同龕名理閒中得繁華靜處參
物情須順應時事枉憂悵憶昨停蘭榭佳游鼻筍籃鑪
煙迷蘚磴佛號遶松庵田叟衣裳樸村娃體態憨歲饑

齊望麥俗儉早祈蠶財賦今猶急兵戈近已戡門攤連
比屋里役點中男濟世君應壯安居我自慙坎蛙忘渤
解社樸笑榷楠書為愁多著詩因癖更耽陳編徒累篋
儲粟少盈甌膠漆知彌固風塵亦飽諳囊琴排玉柱匣
劍撫霜鐔解履平頭製漆杯到尾婪地偏稀見蠹海近
始嘗蚶登眺頻興感幽奇許恣探友聲聽好鳥客夢想
歸驂嬌豔遲能待穠香早尚含尋芳有餘興初月正逢

三

次和無題二十四韻

春暖流蕪帳香生白氍衫豔歌傳玉樹小字綴瓊函翠

鬢雙鬟秀妝勻十指摻看圖須更按花史欲頻芟龜甲
煙輕裊蝦鬚日半銜芳期蟾子報私記守宮監巧笑宜
鶯嬌新聲逐燕喃蘅臯誰稅駕桃葉少歸帆種藥鳩催
雨分蘭婢荷鏡蕙房收帶苦梅豆漬微鹹鶴頂江榴坼
蜂窠海石嵌綠鋪裘繡毯紅貼縷金楹畫檻連文甃迴
廊暎峭巖銀簧招赤鳳絳節引蒼麕碧落無梯級璇宮
有隔凡褰幃從蝶覷燒蜜怪蜂饒淚點迷斑竹星光落
紫衫愁憑卮酒誦盟為寸心劉鮫浦珠還合鴛機錦細
絨填河鳥本禿奔月兔真兔手顫封書怯心忪夢語誦
占爻仍作兌觀象喜成咸神貺憐修潔天緣感至誠波

瀾終不起寧敢狗譏讒

華及堂雅集同曾青藜葉星期張繩其周篔谷及

六州碧巢昆仲限翁字二首

城隅落日起遙風脫帽披襟勸碧筒簾外早涼生夕露
樽前豪氣吐秋虹十年詞賦驚傖父五斗功名付塞翁
蓮漏漸深樺燭滅論心能得幾人同

一夜秋聲上井桐坐間談笑盡生風金爐散縷簷牙白
銀盞浮花酒面紅放眼煙雲真益友誤人書卷半成翁
倦遊我亦江南住旅夢催歸逐短篷

題碧巢新築次韻二首

種竹疏泉興每多攜琴預擬共經過曾看雨後生陵鳥
便許春深長薜蘿好事品題稱別墅芳時來往當行窩
從茲更爲添詩卷月榭風簾與細哦
緣谿數武晚煙開谿轉沙清岼不隕壘石好臨松雪畫
買花須喚橐駝栽籬編木槿留紅葉徑剪香蔬點翠苔
知是灤西新築好他時着屐總能來

碧巢新構桐谿草堂成次沈藍村韻

清谿路灣環葱翠映書室規模愛閒散堂構頗簡質臨
流列軒窗竹樹相比櫛得非從空移無乃假幻術如何
市廛內忽起幽人宅桐谿桑麻鄉曠望連沮澤孤城僅

二里隙地爭寸尺城闔散喧囂街市列文畫攜扇縱閒
步罕見苔蘚碧何期得詩人佳境從此闢入門蒼崖秀
奇趣露拳石昨宵天關開雷斧忽驚劈雲峰列高低偃
仰類扶掖修梧蔭前簷花下堪布席山童抱琴至野老
縱輕策閒齋淨棊几可以耽著述從容經理間遠與城
市隔何妨置樽壘日夕對佳客人生尚襟期喧靜隨所
擇

分賦賣花

亂鶯聲裏賣花翁驚起樓頭曉夢中深巷似聞經夜雨
滿城無處不春風低迷野店迎眸笑點染妝臺鬢鬢紅

自是名花本無價可看爭逐綺羅叢

碧巢過吳門旋即邀余同至桐谿舟中有作二首
久雨畏岑寂得聞好友來薰風吹晴色旭日當軒開葵
榴尚妍媚綠蔭添高槐西山亦頗佳蒼翠無纖埃會須
展登眺捫蘿上崔巍幽探共雙屐興至銜深杯何緣促
歸思遽爾征帆催清歡未相接執手空裴徊

方舟下平湖所喜風日好晴光漾澄碧煙浪靜如埽蒼
葭接浦樹白鳥下沙草漁唱悠然來微茫辨孤島沉陰
快新霽良友况傾倒嘯傲凌滄洲高吟寄深抱推蓬縱
遐觀天地共清顯相看寂無言幽意自搜討

次和簞谷丁巳五日華及堂書懷見寄之作

丁巳歲簞谷以長歌見寄中致浮沉去年春始出其
舊稿示余余未及訓和也今年五月雨窗獨坐偶簡
散帙復覩斯篇回計丁巳至今垂六年矣爲走筆次
韻以紀歲月焉

樓頭五月江雲濶爛熳書堆徧搜括風騷遞變分古今
駑驥何由判肌骨一編自好誠可嗤猶有知音見收掇
詞場浩汗無畔岬孰砥狂瀾具舟筏此情良苦世所難
好古能無憚趨蹶平陽昆季編新詩繼晷焚膏勤搢搢
慙余未及申謀面爲把塵編目先刮山川迢遞阻雲煙

蠹簡誰教聽芟抹余時寓跡古胥臺詩與頗爲塵俗奪
干戈四野未全銷菽水聊堪具粗糲南州孺子扁舟來
江上春風柳條發爲言公瑾真佳士辨口懸河肯云竭
暗中搜索愛君詩雅鄭分區悉顛末乃知癖性有同好
壯氣要須等翻勃寸心相許見生平皎若天邊湛孤月
鹿牀高士方南遊口述新詩具髣髴是時庭際葵榴開
澹蕩薰風透絺葛華堂四座皆高才呦鹿呼芻草銜璧
樽前遐想情竅深顧我無從通拙訥波中赤鯉何時到
欲寄郵筒殊恍惚桐川蘭棹遠相邀爾我中懷共堪揭
得逢良友喜欲狂肝膽先披未通謁昨春示我寄懷篇

如此論文豈倉卒感君雅意洵知己待寫襟期意悠忽
即今友道正衰頽城闕與歌刺佻達酒酣耳熱恣狂談
擬借鷓絃向君撥竭來幾度菖蒲青江雨沉沉竄蒼獺
虛窗獨坐渾忘寐蛙鼓中宵正喧聒起來忽簡牀頭書
得見清吟寂軒豁思深直可貫雙雕賈勇猶堪穿七札
醉餘濡筆和君詩勝挽西江灑狂渴

谿館觀驟雨作

重雲翬簷端驟雨響急湍初疑白晝晦頓覺絺衣單天
公脫臬笑壞壁金蛇鑽劈歷起列缺狂飈倒危巒康回
叩額怒烏兔潛雙丸恐教天潢翻坐使河源乾瞿塘鬪

急峽黯淡奔驚灘潮頭萬箭落海若迴狂瀾如聞鈞天
張鐘鼓聲謹謹又疑百甕盎幻作笙竽攢倒摧珊瑚枝
拉折青琅玕珍珠撒萬顆碎落琉璃盤重瞳戰鉅鹿諸
將辟上觀光武起昆陽水溢滄川漫滌陽正龍鬪雲起
兜牟安虎豹亦股慄蛟螭敢深蟠天心散煩暑洗滌生
清寒雷車過砰訇風止雨亦闌萬象盡蕭爽羣生暢幽
歡憑闌縱遐目足使心胸寬

中秋夜不見月戲同六州爲醉歌

去年中秋明月好君行却向蒼谿道今年中秋君適歸
月明不露雲霏微閒庭置酒待明月雲光黯黯浮天闕

舉觴滿引還問天青天浩渺曾何言明月年年但長好
當杯不見何由然人生快事良獨難况復金樽對月良
友相追歡秋風亦如人間樂故遣雲封白玉盤雲兮雲
兮爾何苦四海遙遙幾千萬里清歌妙舞誰能數片雲
欲障青天高邽得瀟漫徧寰宇人生豪興隨時取良宵
豈易高朋聚肝膽明如雪心期照千古廣庭竹樹參差
新華燈吐燄光粼粼飛觴取醉不記巡花搖金粟吹芳
塵乍可同君秉燭遊安能舉杯對影始得成三人醉君
酒爲君歌樽前莫悵浮雲多會須一吐胸中萬丈之光
怪照曜天地叅羲娥試問去年明月好却比今夜還如

何

十六夜對月歌

昨夜樽前雲蔽月我爲作歌心未平天公解人意故遣
涼月今宵明昨宵明月今宵補團圓不減當三五碧梧
修竹粉垣低遙看橋東一輪吐丸丸漸上微雲收谿光
瀲灩煙光浮廣庭一片金波冷積水空明浸花影石床
並坐苔痕蒼銀漢傳流漏聲永天壇高高月正中似聞
霓裳仙樂縹緲隨天風風吹衣袂香露濃聳身欲上凌
瑤空我聞碧天高上有清虛宮廣寒之府桂之樹素娥
起舞不與人間同蟾蜍白兔何爲者萬古照此青濛濛

陰晴圓缺爾何有人情自爲分妍醜銜杯對月古來傳
者幾何人惟有文章垂不朽君不見元規樓袁宏渚偶
然嘯咏猶堪數何況風騷共吞吐謫仙采石乘扁舟東
坡亦爲赤壁遊二公之才足以照千古光燄耿耿猶長
留如君與我豈是尋常流要須縱橫竝轡與古豪士相
爲儔安能低着俯首碌碌風塵表獨抱連城擬暗投與
君醉後狂歌發仰天大笑驚天闕君看昨夜浮雲安在
哉碧天高挂中天月

次藍村九日韻

柴桑高隱陶元亮荆楚風流孟萬年良會未妨同九日

幽情真欲逝青編煙深翠竹爭寒雀木落清溪少暮蟬
醉擘錦牋題好月東陽新咏最稱妍

春日有懷碧巢在鹽官篋谿同雪坡在鄆城

低迷煙柳憶佳遊望遠懷人獨倚樓山郭雨痕銜日脚
海塘風色射潮頭魚來石首水盤供茗摘雲芽箸裹收
兩處鶯花總相似詩情那不爲勾留

展硯歌爲柯庭作

瑠璃寶匣澄寒水落紙煙雲向空起端溪片石生秋光
古色紛披照霞綺平陽季子真奇才置之几案襟胸開
牙籤錦帙並堆列白琥黃琮何處來下巖水竇由來好

綠暈深沉現珠寶景炎遺製倣宣和鳳味蛾眉並傾倒
豈知人事隔天淵閩嶠烽煙幾變遷深宮秘翫一朝棄
流落人間幾百年球圖彘鼎真堪惜遺恨空留土中碧
品題珍重太清樓式樣新奇謝公展理堅肌潤墨花勻
好事流傳每見珍黃金豈足論齊價白璧從教謁後塵
君家自是探奇者馳聲直欲追揚馬好持此硯助文心
萬斛詞源縱揮灑端溪之水千尺深下有窟穴蛟龍吟
天生秘寶惜不得閱歷翻教信陸沉摩挲百遍留光彩
遇合應知任真宰楚客篇章感慨多晉朝羣屐風流在
升沉顯晦未須驚片石能令相重輕請君爲染千金帚

一寫胸中萬古情

次和黃圭庵過辨香樓留宿二首

柳岸相逢雪半消
小橋西畔暫停橈
篋中多少新書卷
併作春雲縷縷高

圭庵有絕句尺牘之選

谿上已爲三載別
客中一夜喜聯床
剪燈細語無須睡
滴盡寒更漏點長

春晚寄懷六州於茗谿

柘煙浮處遠含思
靜裏凭欄鳥語遲
茗水綠添波似穀
卞峰青隔雨如絲
朝吟定對蒼髯叟
午飯應參玉版師
罨畫溪光往來近
輕帆歸載幾新詩

次韻送管谷歸兼簡藍村

行吟生感歎
吾道日江河
愁到狂來減
情於別後多
枯鱗欣斗水
倦羽畏虞羅
寄語素心友
新詞定幾何

用前韻懷管谿

山城非遠隔翹首
望明河豈爲吟詩瘦
偏聞檢藥多曾
魚勤手勘錦繡任
胸羅試閱嵇生論
無嫌靜養何

題管谿勘書圖三首

思通天表渾無際
目盡寰區未足多
縱使十行常竝下
何曾一字許輕過

秦坑烈焰已成塵
俗學流傳恐失真
看到古人心得處

數千年事一時新

逸傳尚堪徵亥豕方言聊為譜蟲魚六經以內無窮事
敢道人間少異書

篔簹病後養靜經年潛心內典即事偶書二首

開簾晨禮大醫王宿火深深炷妙香只此安心無別法
休言入道有奇方春蠶作繭憑誰縛雙燕銜泥底事忙
紅日半窗閒睡起頓除煩惱得清涼

瀟灑襟期迥出塵琅函貝葉與相親空香好證蓮花藏
孤照常懸寶月輪迷悟不生存底物斷常俱遣是何因
饒君演盡三車義覲面拈來恐未真

送簞谷歸梅里次六州韻

臨行還覓句客纜且遲牽燕壘桐陰靜漁罾桺外懸春
歸剛半月蠶老已三眠避暑能來否披襟醉晚筵

夏五次六州韻二首

江榴照眼對閒庭倒瀉朱絲白玉瓶風俗尚傳荆楚記
菖蒲細點泛湘醪

碧桐陰靜覆深檐乳燕低飛拂翠簾相對細談風味好
越梅香脆點吳鹽

碧巢有觀潮之約放舟相邀途中偶題

暑雨初疑阻勝遊煩君先具木蘭舟菱花荷葉波光靜

漁市鹽田海氣秋

觀潮行

昔年曾讀枚乘七發詞廣陵曲江之濤天下奇錢塘湍
急海門峻觀潮勝事人皆知鹽官之邑亦瀕海海塘橫
亘限此東南陞城東咫尺驚浩汗彷彿直見扶桑枝初
時平沙勢繚衍煙光淡沱滄洲遠孤城列戍遙相望秦
駐山高海波偃俄然忽見潮頭生天風不動奔雷鳴排
山倒嶽向西注素車白馬騰空行三山弱水不知幾萬
里一泓杯水欲對桑田傾石塘千里屹相向嵯峨獨與
狂瀾障石激湍飛互鬪爭奔騰砰湃聲悲壯我來塘上

臨流立耳目震眩神情暢孤雲自高飛海水互搖蕩我
亦不知天之高地之曠宇宙蒼茫一氣中朝昏吞吐無
終窮人間富貴自熏灼不異輕塵點翳浮虛空遐想羨
門子玉顏何處逢為君倒曳神鬣足直跨蓬萊第一峰

煮鹽行

海昌城外通潮汐十里鹽田際空碧半將沙土淋滄波
煮作吳鹽雪花白草房土鏗皆竈丁手皸足瘃無時停
煙昏海岫日常赤雨過沙田風帶腥武林城中多巨賈
持籌運鹽日旁午華堂宴客調駝羹誰念荒郊煮鹽苦

遊張氏涉園

城南尋別墅一徑入蒼苔積水連風磴陰林起獻臺廊
虛迎竹色樓迴望潮來似此園亭好終年到幾回

夜飲遡慶堂

刮耳濤聲在堆盤海錯陳碧雲秋思遠

邊管谷山子不至

瓊樹露

花新

時碧巢從子遠昭若木在座

銀椀搖紅浪雕梁下綠塵清歌咽涼月

凄怨最關人

九日

江鴈催寒到籬花待雨開曰歸猶未得之子倘能來尚
有茱萸佩多慙竹葉杯鄉心正無限異縣一登臺

敬翼堂看劇分賦得香字

綺席華燈夜復張歌塵縹緲下雕梁簾衣映月金波動
花影依人玉樹香銀鑿落深催羯鼓紫瓊輸軟按霓裳
參橫斗轉拚沉醉未覺高城漏點長

春日余返棹吳門時管谷藍村六州碧巢各有即

事倡和諸詩中及見懷之語漫爲次韻四首

春半餘寒在輕雲護鴈霜玄亭常寂寞錦里故顛狂漁
市喧深港禽巢綴小堂別來愁緒結添得柳絲長
好畫思摩詰工書愛率更雨蒸紅杏溼風颺落梅輕誰
識杯中趣難尋指外聲鈎簾纖月上觸景句新成
詩題編甲子軼事擬陽秋竹墅清光入松窗細影留江

淹工寫恨衛玠祗長愁自媿衣如雪經年謝宴遊
投我新詩卷脩脩山水音偶然思點筆久矣廢行吟簾
捲殘花落庭閑芳草浮于沉終不問憑藉故人心

春日新晴碧巢招同泛舟城南尋僧院偶賦

積雨滯春光新晴意頗豁風來稍暄妍天宇更空濶放
舟采新漲魚尾驚撥刺稍轉過城南炊煙一林抹綠谿
便登岬岐路復膠轕陵陂麥青蔥野水鳴活活禪室隔
深村迴途忽通達昔惟一茅廬終歲挂石鉢俄然起傑
構棟宇凌木末乃知象教力廣大具悲怛修竹映檀欒
寒枝尚枯枿迴橈尋舊谿翠靄濃於潑把醖對春陽詩

腸恣搜括良朋况同調佳興不可遏

題臞庵新刻百城煙水

客裏登臨幾唱詠大江南北並風流潮生鐵甕煙波濶
月滿蕪城碧樹秋閱世每教多感慨著書聊復慰窮愁
名山底用深藏處傳與人間當卧遊

初夏喜臞庵至集華及堂作

幾年遊棹隔桐谿今日相逢手重攜入坐好風蕉影碧
到門舊雨柘煙低開樽細語消紅蠟聯榻清吟聽曉雞
簡點百城多勝事錦牋須續向時題

花朝後三日藍村碧巢同往吳門有虞山之游客

宦遙憶偶成三絕句

春色何緣繫客愁
客中還送主人遊
東風催過吳江岸
十幅蒲帆李郭舟

虎山橋外接遙岑
鄧尉寒香十里深
輸與君家遊屐好
萬花叢裏一高吟

城墻一帶水彎環
煙瓦如鱗縹緲間
行過望齊門外路
船頭蒼翠指虞山

春夜碧巢招飲喜晤黃晦木

谿堂春夜共盤桓
綺季相逢把袂看
問舊每憐忠諫後
深談尤見讀書難
江梅的的滋新雨
庭草青青怯嫩寒

古道至今存隱逸
照人顏色對更闌

雨後同徐蘅庵過浮谿館次韻

看竹相攜興不違
小橋西畔啓荆扉
秋花漸吐紅千點
夜雨平添綠一圍
庭樹遮檐人語靜
石苔鋪徑屐痕稀
披襟好與消殘暑
羽扇無勞對坐揮

九日碧巢筴谿同泛舟
北郭訪菊村中歸途小飲

即事兼懷六州

高秋氣寥廓
萬象更清迴
散慮出城闈
微颺送煙艇
霜催木葉丹
雨歇寒沙冷
古岫入村迴
澄波接天永
黃蘆聲蕭蕭
白鷺光炯炯
鴈字落晴空
漁歌弄斜景
幽情最

相愜野趣獨深領翠竹迎門斜寒花照人靜游蹤此暫
息俗累庶堪屏倚樹發高吟憑闌啜清茗迴撓縱談笑
細酌成醕酌俯仰復懷人餘情獨耿耿

臘月之望六州招同湯萍庵黃憲尹史蒼山顧迂

客集辦香樓次萍庵韻

時六州自新安方至

孤城遙住水中央良夜停舟共舉觴坐上相逢皆益友
客中真欲望他鄉行囊遠帶松蘿月短棹寒衝荻岬霜
無論新知兼舊好一時傾倒綠樽傍

顧迂客同憲尹蒼山過桐谿旋即別去次韻送之
結伴來桐谿煙光恣吟弄停舟向谿橋殘雪收微凍握

惜哉歉陪從六州

酒看燭下飛觴送荒城正

蕭瑟古岬多殘葑所喜良方偕心期得寬縱君歸我還
留卒歲多倥傯臨岐各悵然風飽孤帆重

歲暮歸吳門留別六州碧巢疊用前韻

歸意入新春寒威爲誰弄青旂拂土牛地脉仍涵凍冰
花散郊垆蠟屐那堪用

迎春日大雪

谿堂寒置酒趨走煩僕從

許我買舟行還得良友共

與萍菴同舟歸

凌晨當鼓柁岬滑無勞

送風鳴村墅竹雪壑漁汀葑羈懷向前途遠逐孤禽縱
殘年見新景塵事慙倥傯猶喜贈行篇奚囊并教重

丁卯春日移館勤有居賦呈鷗亭碧巢二首

七年高座辦香樓蠹簡陳編任意搜春到幾經花照眼
宵深頻見月當頭常將論古同晨夕每為工詩費唱酬
此去隔谿殊未遠倚闌凝望更遲留

壘石栽花記往年今來樓閣起巍然階前樹色滋新雨
簾外鶯聲媚曉煙芸架圖書千卷足青箱功業一經傳
與君兄弟長相聚定有星文映斗邊

喜藍村至時自越州歸

禹穴探竒返新詩定幾多人如三歲隔春已二分過花
錦從風剪煙絲任雨搓相期共遊屐寧得更蹉跎

